

Uddannelsesvejledningen

Det Grønlandske Hus i Aalborg
Umanakvej 25
9210 Aalborg SØ

Telefon: 98 14 68 00
Fax: 98 14 77 46

Hjemmeside: www.dgh-aalborg.dk
E-mail: aalborg@dgh-aalborg.dk

Danmarkimi efterskolerneq



Danmarkimi Kalaallit Illuutaasa suleqatigaat Oqaatsinik
Pikkorissarfik/Sprogcenteret Sisimiut Danmarkimi efterskole-nut tunngatillugu.

Maani Nordjylland-mi ukiumi atuarfiusumi 07/08 tigusimavagut
efterskoleriartut 37-it namminersornerullutik Oqartussaniit taperneqarlutik
atuariartut. Nuna tamakkerlugu Kalaallit atuariartut 200-put.
Quppernerit ukua saaffiginniffigai atuartut, angajoqaat, ilaqqatatt attaveqaatit,
ilinniartitsisut aammalu efterskolini ittut/ningiut.

Ilinniaqqikkusuppit? Efterskolit allaffeqarfiat nammineq qupperakkaminni
immikkoortumik Kalaallit Danmarkimut atuariartunut tunngasumik
allaaserisaqarput: **www.efterskole.dk**

Danmarkimi efterskolerneq

Asasagut efterskolemi atualertussat.

Danmarkimut efterskoleriarneq alloriarnerujussuuvoq. Qularnanngilaq aatsaat siullerpaajusumik angerlarsimaffiit qimallugu nuussasutit, aamma Danmarkip Kalaallit Nunaallu akornat ungaseqimmat, imaaliallaannaq angajoqqaat sapaatip akunnera naanerani pulaarfigineqarsinnaanatik, soorlu atuarfimmi kammalaatitut pisinnaanasi. Taamaammat pingaaruteqartorujussuuvoq, illit nammineq ukioq ataaseq aallarsimanissannut piareersimasutut misiginissat. Taamatut oqarsimagaanni, taava efterskolemiissimanerit inuunerni misigisimasaavoq aammalu misigisassat nutaat pissanganartut naapillugit minerungitsumillu nutaanik ikinngutitaartorneq.

Efterskolemi inuuneq illit angerlarsimafinniit sungiussimasanni allaaneruvoq. Siulliullugu atuarfimmi nutaamik aallartissaatit atuaqatitaallu amerlasuut akornanniilerlutit-aammalu najugaqatigissallugit! Tamatigungajak atuaqatit marlunniit-tallimat tungaat ineqatigineqartarput. Taamaattumik pingaaruteqarpoq nammineq piareersimanissaq inuppassuarnik ilinniagaqarnissaq, illillu nammineq piumasutsinnik inunnik kammalaatinik nutaanik ujartuinissat. Aamma imaassinnaavoq kantine-mi ullut ilaanni illit mamarinngisannik sallaassisut...

Eqqaamasassap pingaarutillip aapparaa, efterskole-miinnermi atuariatortarnissaq! Allatut oqaatigalugu ilimagineqarpoq illit nammineerlutit ullaakkut makittarnissat, ilinniartitaanerni malinnaassasutit, akunnerni ilinniartitsiffiusuni peqataassasutit, ilinniagassatit suliarissagitit, suliasisutillu naamassisat tunniutissagitit. Atuarfimmi suliasat nalinginnaasut avataatigut allanik efterskole-mi sammisasaqartarpoq, soorlu namminerisamik toqqakkamik sammisaqarneq, illit soqutiginerpaasarnik suliaqarlutit!

Pingaaruteqarpoq attaveqaatitut ilaquuttat atalluarfiginissai. Taakkunani ittussaagavit sapaatip akunnera naanerani aammalu feeriarfinni. Taamaattumi k attaveqaatitut ilaquuttatit ataqqissavatit. Eqqaamallugu taakkua angerlarsimaffianni pulaartuugavit, eqqaamallugulu aggernialeruit sianerfigissagakkit. Attaveqaatitut ilaquuttat ikiortassavatit, nerisassiornermi, erruvinermi suliasanilu allani. Attaveqaatitut pisussaangillat arlaatigut akiliutissallutit, illit nammineq isumagisassaraat soorlu bus-mut akiliutissat.

Angerlarsimaffik ungaseqisoq qimassimagaanni, pissusissamisuuginnarpoq angerlarsertarneq. Uvagut oqartarpugut piffissani ukunani pingasuni efterskoleriartut angerlarsernerusartut. Siullermik efterskolerluni aallarteqqaarnermi, suli ilisarimasagaqannginnamik, aamma suli sungiussimanagu angerlarsimaffiup qimannera. Kisianni inissilluareeraanni ilinniaqatillu ilikkaleraanni, angerlarsertarneq annikilliertarpoq. Aappaatut, ukioq qanilliertuleraangat, sila taarsisalerluni, siallerajussilluni Danmarki qasersigaangat, Kalaallit nunaata issinga aput sikulu maqaasinarsisarpoq. Pingajussaani juullilersillugu. Efterskolertut ilaat juullisioritortarlutik angerlartarput, uteqqikkaangamillu paasinartumik ilaquuttaminnik maqaasisarlutik. Ilaat Danmarkimi ilaquuttaminni imaluunniit attaveqatiminni juullisioritortarlutik, taamatullu ilaquuttatik maqaasisarlugit.

Angerlarsertarneq, kikkulluunniit misilittarpaat tassalu aamma piviusuugami ajunngitsoq. Angerlarseraannimi taava isumaqarpoq angerlarsimaffimmi asaneqarsimaneq, namminerlu ilaquuttanut asanninneq. Namminerli suliuniuteqaruit qularissanngilat efterskolernerit misigisaqarfigilluarumaarit puigunaatsumik aammalu misigisassasavit annertut ilagissavaat ulloq kingulleq efterskole qimalerukku, ikinngutitaatit inuulluaqqunialerukkit.

Qilanaaraarput Nordjylland-mi efterskole-ni takunissat...

Atuarfimmik toqqaaneq aamma tapiutit

Namminersornerullutik oqartussaninngaanniit tapertinniaaraanni qinnuteqarfissaq Danmarkimi efterskolerniaaraanni kingusinnerpaamik 1. December tunniutereersimassaaq.

Danmarkimi efterskolernemi tapertinniaaraanni arlalinnik piumasaqaateqartarpoq:

- Atuartoq aallartinnermini meeqqat atuarfiat naammaseersimassavaa aamma sulii 18-nik ukioqalersimassanngilaq.
- Qinnuteqarnermi efterskole-mi inissamik pisimanermut qulakkiisimanermut uppersarsaat ilanngunneqassaaq.
- Isumaqatigiissummik atsiornilimmik Danmarkimi attaveqaateqarfissat atsiugaannik.

Nalunaarut aamma qinnuteqarnermut taperneqarnissamullu immersugassaq ujaruk, attaveqaatinut isumaqatigiissut, angajoqqaat misissugassaat aamma ilinniartitsisut siunnersortit allallu uvani Sprogcenterets/oqaatsitnik Pikkorissarfiup quppersagaani: **www.oqaatsit.gl**

Danmarkimi efterskolerusuttut ammerlasagaat. Taamaattumik pingaaruteqarpoq atuarniarpoq piaartumik inissaanik ujarliutissallugu. Allattitoqarsinnaavoq ukiut arlallit sioqqullugit qularnaveeqqutinik akiliilluni.

Patajaattumik efterskolessamik toqqaassaasi. Atuarfiit amerlasuut assigiinngitsunik neqerooruteqartarput toqqagassamik soorlu nipilersorneq, timersorneq, isiginnaartitsineq, assasorneq, silami inuuneq, IT il. Il.. Atuarfiit arlallit aalajangersimasunik toqqammaveqartarput inooriaatsit tungaasigut, soorlu upperisarsiortut (indremissionsk), Økologisk imaluunniit naatitaannarnik nerisallit. Ilaat neqerooruteqartarput immikkoortumik atuarniarpoq ilinniarnerninik ajornartorsiutilimmik ilinniartitseriaatsimik aammalu naqinnernik tappiissusilinnut, imaluunniit qallunaatut ilinniartitaaneq oqaatsit aappaatut. Atuarfiit quppersagaanni annertunerusumik atuarneqarsinnaapput atuarfimmik tunngasut suullu naleqarnerutitalugit ingerlattineri.

Efterskolelissat naniuk: **www.efterskole.dk**

Attaveqaatit ilaqtariit

Namminersornerullutik Oqartussaniit tapiissutinik pisinnaanermut piumasaqaataavoq, atuartoq attaveqaatinik ilaqtariinik Danmarkimi peqarnissaq. Taamatut pissutigalugu pingaarujussuummat efterskole-mi atuartoq Danmarkimi efterskolernerni toqqammaveqarlunissaa.

Innersuutigaarput aattaveqaatitut ilaqtassat sapinngisamik ilaqtariissagisi imaluunniit ilisarissimassagisi Danmarkimi najugallit, atuartullu nalunngeriigai. Taassuma saniatigut isumassatsialaavoq efterskole toqqagaq attaveqaatinut ungasippallaannginnissaa, bus-serluni imaluunniit qimuttuitsorluni angalaneq toqqagaq akisusinnaasarmat, atuartup attaveqaatini akulikitsunik takussagunigit.

Attaveqaatit angajoqqaat sinnerlugit pisussaagaluartut, meeqqat efterskolerluni Danmarkimiinnerani, pingaaruteqarpoq eqqaamassallugu angajoqqaajusut meeqqaminnut akisussaaffik tigummiarmassuk-aammalu aningaasaqarniarnerup tungaatigut.

Maleruagassat uvani atuakkit: **www.oqaatsit.gl**

Atuarniarpoq attaveqaatillu akornanni ajornartorsiulissagussi Kalaallit Illuani ilinniartunut siunnersortit attavigineqarsinnaapput oqrasuaat atorlugu: **98 14 68 00**

Kalaallit Illuata akisussaaffii

Kalaallit Illuat arlalinnik akisussaaffeqarpoq Danmarkimi efterskolernerum atatillugu.

- Danmarkimut apuunnermi efterskoleriartut attaveqaatiminnik aaneqarsimangitsut Kalaallit Illuani sulisunik aaneqartarput. Kalaallit Illuat København-miittup isumagisarpat atuartut Kastrup mittarfiani tigusaat, ingerlaffissaanullu nassiuteqqittarlugit. Tulliuttut efterskoleriartut atuarfissaminnut tunniukkiartorneqartarput attaveqaatiminnik imaluunniit Illuniit.
- Ukioq atuarfissap aallaqqaataata missaani Kalaallit Illuat atuartut ilinniartitsisullu attaveqaatit qaaqqusarpat efterskolertut ataatsimoortillugit. Tassani periarfissaavoq kammalaatit ilisarimasallu naapeqqissallugit, imminnullu atualerarmi misigisimasat eqqartorlugit.
- Ukiorterani Kalaallit Illuutaaniit siunnersuisoqassaaq atuartup siunissami ilinniagaqarnissaa pillugu efterskole suleqatigalugu.
- Atuartoq angerlaqqilerpat Kalaallit Illuata billittinik inniminniineq isumagissavaa. Inniminniinissamut immersugassaq upernarpat efterskolinut nassiunneqassapput.
- Pisariaqartinneqaraangatta aggertarpugut. Atuartoq pisariaqartittippat soorlu angerlarserneq peqqutigalugu imaluunniit allanik ajornatorsiuteqarpat, efterskolernerup ingerlanerani Illumi ilinniartunut siunnersortit aamma inunnik siunnersorti piareersimapput.
- Illu tamatigut nalunaarfigineqartassaaq efterskole-mut allamut nuuttoqarniarpat imaluunniit ilaqtat attaveqaatit taarserneqassappata.
- Uvagut e-mail-erput telefon-gullu apeqquteqarfiginissaminnut ammaannarput, atuartunut, angaajoqqaanut attaveqaatit ilaqtanut imaluunniit efterskolinut.

Efterskolinut

Efterskole-nut suleqataalluarusuppugut. Efterskolernerup ingerlanerani ajornartorsiortoqalissappat isumassatsialaavoq Illu piaartumik attavigussiuk. Tamatigut kalaallisut oqaloqateqarneq iluaqtaasarmat. Pisariaqartillugu uvagut takkussinnaavugut!

Atuartoq efterskolernermini allanngortitsissappat soorlu ilaqtat attaveqaatit imaluunniit efterskole-mut allamut nuussappat ukua attavigisigit ilinniartunut siunnersortit.

Atualerup aallaqqaataata tungaani Kalaallit Illuat atuartunik attaveqaatitullu ilinniartitsisunik qaaqquisarpoq efterskolertut katerisimaartillugit. Tassani atuartunut periarfissatsialaavoq kammalaatit naapeqqissallugit aammalu atualeqqaarnermi misigisimasat eqqartulaassallugit. Aammalu efterskole-ni attaveqaatit ilinniartitsisunut periarfissatsialaalluni misilittakkat oqallisiginissaanik atuarfimmi kalaallinik atuarteqarneq. Kalaallit Illuaniit peqataassapput ilinniartunut siunnersortit aammalu inuleriffimmi siunnersorti najuutissapput atuartut ilinniartitsisullu apeqquteqarusuppata piareersimassallutik.

Ilanngullugulu ukiorterata ingerlanerani atuarfinnut ornigutissalluta efterskole-reernerup kingorna ilinniaqqinnissamut toqqaanissaq paasitikkiartorlugulu.

Malugiuk Illut eqqarisaani isumagissassat allanngornikummata kommune-it kattunnerannut atatillugu. Tamanna efterskole-nut Viborg Amt-unikuusumut sunniutigissavaa, siunissami Århus-mut Kalaallit Illuanut atalissagamik.

Takujuk Kalaallit Illuutaasa eqqarisaani korti: **www.dgh-aalborg.dk**.